



Նախագահ
Ռասսել Մ.
Նելսոն

Աստծո մեծ ՊԱՐԳԵՎԸ



«Մերջերս ես և Քույր Նելսոնը գմայլվում էինք Լփոքր ակվարիումում լողացող տրոպիկական ձկների գեղեցկությամբ: Վառ գույներով, տարբեր նախշերով և չափսերի ձկներն այս ու այն կողմ էին լողում: Ես հարցրեցի այնտեղ գտնվող աշխատողին. «Ո՞վ է կերակրում այս գեղեցիկ ձկներին»:

Նա ասաց. «Ես»:

Ապա ես հարցրեցի. «Նրանք երբևէ շնորհակալություն հայտնե՞լ են ձեզ»:

Նա պատասխանեց. «Դեռ ոչ»:

Որոշ մարդիկ այդ ձկների նման են: Նրանք տեղյակ չեն Աստծուց և իրենց հանդեպ ունեցած Նրա մեծահոգությունից: Որքան ավելի լավ կլիներ, եթե մենք կարողանայինք ավելի լավ ճանաչել Աստծո սերը և երախտագիտություն հայտնեինք Նրան:

Շնորհակալ լինել շիսուս Քրիստոսի համար:

Աստված ուղարկեց Իր Որդուն՝ շիսուս Քրիստոսին, որ օգնի մեզ: Նա արեց այդ, որովհետև սիրում է մեզ:

Շիսուսը եկավ **փրկագնելու** մեզ:

Նրա **Քավության** շնորհիվ մենք հարություն կանենք մահից հետո:

Նրա **Քավության** շնորհիվ մենք կվերադառնանք հավիտյան ապրելու մեր Երկնային Հոր հետ: Շիսուսը բացատրել է.

«Ես եմ հարությունը և կյանքը. ինձ հավատացողը թեև մեռնի էլ, կապրի: Եվ ամեն ով որ կենդանի է և ինձ հավատում է, հավիտեան չի մեռնի!»
(Հովհաննես 11.25–26):

Մա է Չատիկի հրաշալի ուղերձը: ●



Փրկագնել.

վճարել մեր մեղքերի համար, որպեսզի մենք կարողանանք վերադառնալ Աստծո մոտ:

Քավություն.

Երբ շիսուսը տառապեց մեր մեղքերի համար Չեթսեմակի պարտեզում և մահացավ խաչի վրա Գողգոթայում:

«Շնորհակալություն Աստծուն» երգից,
Լիահոնա, մայիս 2012, 77–80: